

Ugovorne strane:

Ministarstvo unutrašnjih poslova Kantona Sarajevo, ulica La Benevolencija broj 16, koje
MINISTARSTVO UNUTRAŠNJIH POSLOVA KANTONA SARAJEVO, ulica La Benevolencija broj 16, koje zastupa ministar mr. Ismir Jusko, (u daljem tekstu: Kupac) i

"R&S" d.o.o. Sarajevo, ulica Igmanska b.b. Vogošća, koje zastupa direktor Kemal Selmanagić, (u daljem tekstu: Prodavac)

Strane u okvirnom sporazumu saglasno konstatuju:

- da je Kupac u skladu sa Zakonom o javnim nabavkama BiH ("Službeni glasnik BiH", broj 39/14) proveo otvoreni postupak uz primejnu e-aukcije za nabavku kancelarijskog materijala za potrebe Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od dvije godine.
- Nabavka je izvršena na osnovu Odluke broj 01-11-4-2521-1 od 09.06.2020. godine i Obavještenja o nabavci broj 1364-1-1-45-3-42/20 od 11.06.2020. godine.
- Okvirni sporazum ne predstavlja obavezu Kupca na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Kupca, a pod uslovima utvrđenim u ponudama Prodavca broj 14533/20 za LOT 1, 14534 za LOT 2 i 14535 za LOT 3.

Kupac i Prodavac sklapaju:

**OKVIRNI SPORAZUM
nabavka kancelarijskog materijala**

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci kancelarijskog materijala za potrebe Ministarstva unutrašnjih poslova Kantona Sarajevo u skladu sa uslovima iz tenderske dokumentacije, ponudama Prodavca, odredbama ovog okvirnog sporazuma i stvarnim potrebama Kupca.

Količine navedene u specifikaciji su okvirne i vrijede za vrijeme važenja okvirnog sporazuma.

Ukupna vrijednost ovog okvirnog sporazuma, prema Izvještajima o toku i završetku e-aukcije od 21.08.2020. godine, bez PDV-a iznosi 281.500,00 KM KM (dvijestotineosamdesetjednepetsotina i 00/100 KM) i to;

- za LOT 1 - Papiri i fascicle – 210.500,00 KM,
- za LOT 2 - Ostali kancelarijski material – 59.400,00 KM i
- za LOT 3 - CD, DVD medij i ostali potrošni material – 11.600,00 KM.

Cijene su fiksne i ne mogu se mijenjati za vrijeme važenja ovog okvirnog sporazuma.

Član 2.

Nakon zaključenja okvirnog sporazuma, Kupac će zaključiti pojedinačne ugovore o javnoj nabavci.

Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Član 3.

Kupac će ugovorenu cijenu plaćati Prodavcu u roku od 60 (šezdeset) dana po dostavljanju fakture.

Član 4.

Prodavac se obavezuje da će ugovorenu robu isporučiti u skladu sa rokom koji će biti definisan pojedinačnim ugovorom o javnoj nabavci koji zaključuje Kupac i Prodavac, u skladu sa ovim okvirnim sporazumom.

Član 5.

Prodavac se obavezuje da ugovorene robe isporuči prema tehničkoj dokumentaciji, propisima, standardima i normama kvaliteta koji važe za vrstu roba koje su predmet nabavke.

Član 6.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ovaj okvirni sporazum se zaključuje na period od dvije godine, a stupa na snagu danom obostranog potpisivanja.

Član 8.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

PRODAVAC
"R&S" d.o.o. Sarajevo

Kemal Selmanagić

Broj: 395/20
Datum: 28-08-2020

